



KENYATAAN MEDIA
ZAIRULSHAHFUDDIN ZAINAL ABIDIN
KETUA PEGAWAI EKSEKUTIF ISLAMIC RELIEF MALAYSIA

Untuk Hebahan Segera

8 MAC 2019

KEMPEN RAMADAN CARE4HUNGER RENTASI SEMPADAN DUNIA

BANGI – Islamic Relief Malaysia (IRM) melancarkan kempen Ramadan yang dilaksanakan di bawah kempen Care4Hunger sekaligus bakal memberi manfaat kepada individu di 34 buah negara dari seluruh dunia.

Ketua Pegawai Eksekutif IRM, Zairulshahfuddin Zainal Abidin berkata, kempen yang menjadi program tahunan itu bertujuan membantu golongan rentan untuk menempuhi bulan Ramadan yang bakal tiba di samping meningkatkan kesedaran orang awam terhadap isu kemanusiaan di peringkat global.

“Projek pek makanan Ramadan 2019 tahun ini bakal merentasi 34 buah negara di serata dunia. Islamic Relief (IR) secara keseluruhan menganggarkan agihan pek makanan sebanyak 311,436 kotak yang akan memberi manfaat kepada sekurang-kurangnya 1.7 juta individu.

“IRM juga menyasarkan kutipan dana sebanyak RM10 juta bagi memenuhi kempen Care4Hunger yang merangkumi pelbagai sektor iaitu Makanan & Nutrisi, Kecemasan & Pengurangan Risiko Bencana (DRR), Air & Kesihatan, Pendidikan, Kehidupan Mampaan, dan Program Bermusim (Ramadan),” jelas Zairulshahfuddin.

Selain itu, negara-negara yang menerima bantuan pek makanan ini telah memenuhi kriteria-kriteria tertentu iaitu:-

1. Negara yang mempunyai jumlah penduduk yang tinggi dan mengalami ancaman nutrisi dan keselamatan makanan.
2. Negara yang menghadapi kemelesetan ekonomi dan jumlah penduduk yang hidup di bawah paras kemiskinan.
3. Negara yang mengalami krisis kemanusiaan secara berterusan.

Bagi projek Ramadan kali ini, IRM menyediakan pakej sumbangan bermula serendah RM150 dan RM300, bermula pada 8 Mac 2019 sehingga 4 Jun 2019.

Pek Makanan Ramadan

Agihan pek makanan Ramadan merupakan program bermusim yang dikelola oleh Islamic Relief dalam memberi bantuan makanan asas kepada penerima manfaat dari pelbagai negara untuk bekalan sepanjang bulan Ramadan. Ia meliputi makanan asas seperti beras, tepung, jagung, pasta, bijirin, kacang, daging dalam tin, minyak masak, gula, uncang teh, dan kurma. Pek makanan tersebut akan mengikuti keperluan asas negara masing-masing. Di Malaysia, IRM menyasarkan agihan sebanyak 7,387 pek makanan Ramadan di seluruh negara manakala 8,789 pek makanan di lebih 30 buah negara.

Tahun	Agihan Tempatan		Agihan Antarabangsa	
	Jumlah Pek Makanan	Jumlah Penerima Manfaat	Jumlah Pek Makanan (Melalui IRM)	Jumlah Pek Makanan (Melalui seluruh IR)
2014	10,100	50,500	4,350	214,155
2015	8,040	40,200	5,270	188,834
2016	6,043	23,115	5,270	188,834
2017	5,631	27,371	2,905	240,669
2018	6,000	30,000	3,540	299,163
2019	7,387	36,935	8,789	311,436

Jumlah bantuan pek makanan IRM (2014 – 2019)

Mengenai Islamic Relief (IR)

Islamic Relief (IR) adalah sebuah organisasi bantuan dan pembangunan kemanusiaan antarabangsa yang bebas. IR beribu pejabat di United Kingdom dan ditubuhkan pada tahun 1984. IR telah berkhidmat di lebih dari 45 buah negara, membantu lebih daripada 120 juta orang. IR juga mempunyai rangkaian tetap di lebih 30 buah negara merangkumi 100 buah cawangan di seluruh dunia. Skop bantuan IR merangkumi bantuan kecemasan, pembangunan mampan bersepadu, pengurangan risiko bencana dan advokasi.

YABhg. Tun Dr. Mahathir Mohamad telah merasmikan penubuhan Islamic Relief Malaysia (IRM) pada tahun 2005, bertujuan untuk meneruskan bantuan kemanusiaan IR di rantau Asia-

Pasifik. Kini, IRM berperanan sebagai pejabat penjanaaan dana dan pelaksana projek (antarabangsa & tempatan)

Untuk mendapatkan maklumat lanjut mengenai program kemanusiaan IRM, sila layari laman web rasmi IRM iaitu atau hubungi IRM di talian tetap 03-8926 3434.

Bagi mereka yang ingin membuat sumbangan, salurkan sumbangan anda ke nombor-nombor akaun berikut atas nama Islamic Relief Malaysia :

MAYBANK ISLAMIC | 5621 4270 8704

CIMB ISLAMIC | 860 2073818

BANK ISLAM | 12 029 01 006564 3

AFFIN ISLAMIC | 10 671 000278 4

BANK RAKYAT | 11080 10000 35

atau melalui :

CHARITY SHOPPE | TUNAI / KAD KREDIT

Zairulshahfuddin Zainal Abidin

Ketua Pegawai Eksekutif

Islamic Relief Malaysia

- Tamat-

Dikeluarkan oleh,
Islamic Relief Malaysia (IRM)-Reg No: 657354-W
A-05-1, Paragon Point, Jalan Medan PB5, Seksyen 9,
Pusat Bandar, 43650 Bandar Baru Bangi, Selangor
Untuk maklumat lanjut, sila hubungi **Unit Media**
di talian 03-8926 3434, faks 03-8925 3434 atau
emel: Malaysia.Media@islamic-relief.org.my